

桐溪記



桐溪記略

同治戊辰
孟秋重刊



桐溪記畧

潤州戴槃澗鄰氏著

桐鄉禱雨記

桐鄉辦災記

桐鄉徵收冬漕記

接濟災黎記

保衛鄉里記

桐邑育嬰堂置田記

桐邑書院置田記

目錄

桐邑掩埋枯骨置田記

重修桐邑城隍廟記

重修桐署土地祠記

重修桐邑節孝祠記

重修桐邑養濟院記

附刻

乙卯入闈記

浙闈疊韻詩

捐送田地通詳文

補請立案通詳文

目錄

一

桐鄉禱雨記

戴槃

余蒞桐鄉任之明年夏大旱五月不雨六月又不雨民以爲憂余乃虔誠步禱桐邑舊俗旱甚卽將各廟神靈聚集於惠雲寺院每日拈香祈禱士民觀者如堵再甚又將各神於日中之時聚於荒郊外作禱雨狀余步隨於後至其地則百拜稽首一日之內步行十餘里東西南北周歷各廟自朝至於日暮一而再再而三且桐邑各圖一百七十有三四境之神鄉人肩輿來城者更番迭至余罔不隨時叩禱凡行香後於士民齊集之所曉以常情喻以大義如家人父子聚於一堂士民咸感余之誠古人云誠能動物豈不然哉夫天下不患有頑梗之百姓而患無撫綏之良吏不患無感動之人心而患無轉移之治術是年兩浙全旱嘉湖尤甚各地方鄉民藉災滋事相繼而起大吏不能阻遏邑宰不能禁止嘉屬毆官拆署層見迭出鬧災之始首秀水海鹽繼之平湖嘉善又繼之其餘嘉興石門雖未滋生事端而鄉之人紛紛聚衆闕闕公堂亦復不靖惟余宰桐邑獨晏然無事余知下民感余之誠而祈禱益急自丙辰五月下旬至七月中旬方雨余終日禱求至於三無一間斷問之僚屬僚屬不能觀之耆老耆老

不能責之書吏書吏亦不能余乃於酷暑烈日之中奔走四
旬有餘而天始降甘霖俾地方不被全災雖不敢謂祈禱之
靈然亦可以對桐之民人而無憾矣是爲記

天道不能有盈而無絀年歲不能有豐而無歉地方之有災患其偶然也歷考前人辦災之法按畝履勘標籤爲記成災之田必須認真確查以昭覈實其法良其意未嘗不美而後人之嫌繁瑣者或將田畝所有之災合一縣而均攤之此二者皆不足以爲法也丙辰年大旱桐邑被災最重查例載災歉至五分以上應行停徵緣近年來軍務倥偬兵餉不繼大吏欲剔除災歉外將成熟田畝仍令照常完納而災區不得不爲之明辨焉桐邑鄉有六區十有四都三十有一圖一百

三

七十有三將欲按圖細勘非累月不能竟其事且一人之耳目難周奸民或因此買災書吏或從中舞弊余以爲按畝定災紛紜繁擾必參差而不一如欲矯其弊而統縣均攤則又苦樂之不均然則將用何法以辦之乎曰我行我法桐邑東南西南北共十四區余乃分區親勘歷時一月的量地勢之高下分別災數之多寡每區明定分數一一榜示萬姓靡不帖然心服而奸民不得逞其說書吏無所施其計書云以公滅私民其永懷是以令出惟行弗惟反也乃白諸上官上官不能爲予定此策商諸同僚同僚不能代予籌此事余執兩用

中惟求順乎輿情毅然獨斷行之不疑邑之人心悅誠服無
異說焉鄰境之民間之均欲仿余辦法後嘉興石門等縣亦
踵而行之於以見天下事不患無法而患立法之不得其當
也是爲記

豐稔之歲辦漕難荒歉之歲辦漕猶難浙省嘉湖地方賦稅之重甲於天下歷逢開漕時鄉民聚衆滋事者無歲無之是以大獄頻興而官之膺是任者咸惕然懼余蒞任桐鄉於下車之始首先整頓漕務書吏之玩法者治之士民之包漕者懲之是年完納冬漕較之歷任大有起色然此猶同官所能爲也若夫大旱之年照例應行停徵卽有成熟之田亦應並緩况桐邑被災尤重何能言徵乃大吏以京倉缺米兵勇乏餉令剔除災歉所有成熟田畝照數徵收余不能不仰體斯

五

意是時也人心洶洶羣相觀望嘉屬各同寅均已去任惟余獨留桐邑接辦此事桐邑介乎海甯海鹽之間被災情形相同此二縣均奉文停徵桐之奸民聞之竊思煽惑愚民妄希停止考之邑乘桐鄉田畝四十二萬有零地畝八萬有零余謂田有荒田地無白地卽以地畝計之應完漕糧八千三百餘石况以外田畝尙有成熟者乎並細訪情形富民所有田地田多而地少貧民所有田地地多而田少乃親歷各鄉剴切面諭示以分數責以大義俾其中曲折周知而小民乃其願輸將是年冬嘉興等縣均易新任小民紛紛聚衆者如故

嘖有煩言嗷嗷不已思欲罷漕上官不能勸止邑宰不敢催
徵互相袖手絕無善策余乃毅然獨任首先提早開倉桐邑
完漕向有公米民米之分正臘兩月二次開倉方能全納余
悉令冬月同時完納未及兩旬而漕米均已登倉鄰縣之民
聞之僉曰桐鄉人先公如此我又何抗於是各縣乃次第開
倉百姓方肯照完是歲嘉郡各屬漕糧共計二十五萬石有
餘均能如數徵足於京倉兵餉兩有所濟是誰之功與夫一
邑滋事而各邑効尤一邑急公而各邑率從其爲道易明其
爲教易行也余曰顧國計尤不可不恤民生獨請於大府將
應完漕米內截留數萬石以爲兵米之用余於收漕時先將
殷戶完數之多者概令完納其餘小民無力完納歸入南米
俟麥熟後再徵國計民生兩無妨礙大府以嘉郡辦漕不致
再生事端者皆余桐邑倡首辦理得宜之功登諸薦牘余喜
桐之人爭先完納俾嘉屬之人相率而爲善良也是爲記

接濟災黎記

戴槃

咸豐丙辰夏大旱桐邑被災最重收成歉薄

朝廷撫恤災黎向有大賑綠軍政倥偬募兵輸餉度支日絀未敢籲請入奏頌發帑金邑中因辦接濟以紓民力邑有募化千金保甯清風永新梧桐六鄉爲里二十有一爲都三十有一地勢肥磽不同高下不等乃擇被旱較重之區分圖勸辦余首出錢五十萬并勸城鎮殷富竭力助輸共積錢數百萬米數百石遵循舊章舉事自丁巳二月以至四月編查戶口按月散給於是災黎貧戶不至啼飢粗糲藿食以待有年

七

之穀非敢詡爲富鄭公之善策然亦一時救荒之術邑之賢士大夫相與有成也是爲記

稂莠不除嘉禾不植除暴非以示威也所以安良而已嘉郡與蘇州接界又與湖郡相鄰桐邑則介居其間風鶴易警余咸豐五年十月到任六年春甯國失守江南告警各處土匪蠢然思動將欲攘外必先安內故勸辦團練爲救時之要策而又患練勇藉事生風反致驚恐吾民且慮富者因此遷移余出錢二十萬置備器械旗鈴以防不虞並另選幹役數十名作爲練勇捐廉按日散給口糧分布城鎮授以機宜並查拏匪黨聲色不動得保閭閻於又安自春徂冬又用錢八十

八

萬初未嘗勞民之力傷民之財也夏四月間有土匪結黨拜盟立捕數人餘悉解散六月旱鄉鎮聚衆攫食謂之坐飯此風行於嘉湖由來已久桐邑尤甚或則婦女幼孩千百成羣以爲殷戶莫可如何長官亦難禁止余擇爲首之婦女懲辦一人以警大衆而此風遂息邑有土棍徐坤源者號爲惡魁在鄰境叠出巨案前宰是邑者稔知其惡因附從者衆恐激成事端未能拏獲徐怙惡不悛愈逞鬼域余於是年冬十月訪其蹤跡密懸賞錢十萬購線徐遂就縛歸案審辦蓋一方之巨蠹旣除而善良得安於里井矣是爲記

桐邑育嬰堂置田記

戴 榮

東門外新橋西育嬰堂創始於乾隆六年知縣余君必夔邑人汪兆鰲嗣後遞有助產出資者賴以久而不廢然堂內堂外收養人數無多余自蒞任後恐有遺棄嬰孩勸令廣爲收養但經費不足余出錢百萬置田百畝名慈幼堂通詳立案計每年所入之費可多收養數十人夫育嬰堂之規模至善也年月有司事編號註冊哺有乳婦病有醫小民之瘠貧者嬰兒生不能自育得以翼而長之此仁政也康誥曰如保赤子矧茲啼笑甫形不猶爲惻隱之所繫乎古人起蟄不殺方長不折騶虞葭茁載於風詩人爲萬物之靈詎可令其夭札孔子曰少者懷之此民吾同胞物吾同與之意也故多收養一人則免一人之拋棄多收養數十人則免數十人之飢寒余置田之意正未有已也是爲記

書院者廣學校之教所以考德行道藝也桐邑有分水書院在青鎮乾隆丁未邑人沈啟震實始創建知縣郭君文置几案孝廉徐以坤置田三十畝歲久蕪穢棄去於是山長無修脯之資諸生鮮膏火之費近年月課獎銀無多課藝寥寥山長束修由縣備送每年僅及百緡恐久益廢弛士氣爲之不振余自蒞任來以培養人材爲急務常進諸生教以通經致用行文必宗經立義無爲空疏纖靡之文並以余書經集句文賦稿各授一部以爲法程諸生讀余之文頗躓余言於是

十

枕經葑史皆知門徑而肄業書院者頗有佳作余迺出錢百萬置田百畝有餘通詳立案戶名曰敷文堂亦望邑人踵起而增之也余之始蒞也下車觀風凡以文來質者皆有獎贈今去任之日更出洋銀三百番擇孝廉諸生之寒苦者而分給之非以示惠也余更有望焉桐邑先賢有輔漢卿者實得朱紫陽之傳以爲後學式嗣後忠孝儒林文苑彬彬可考讀聖賢之書習聖賢之言當遵先則古仰承

聖天子棫樸菁莪之化人才蒸蒸日上豈不美哉是爲記

桐邑掩埋枯骨置田記

戴 槃

古人掩骼埋胔爲仁政之大端况爲民父母者乎桐邑舊義塚地在邑厲壇側及附郭東南二里又皂林鎮青鎮募化鄉千金鄉濮院皆有焉然歲久叢葬幾無隙地又境內皆種植農桑少曠土是以貧民每棄棺於荒郊余下車之始首先勸令民間將浮厝之棺悉令營葬貧民無地者必爲之購地以歛遺骸今出錢百萬置田一百畝通詳立案將所得之資歸於育嬰堂兼管不另設一堂經理其事以節費也逐年收埋可期久遠矣夫死者之於生者其父母耶其兄弟耶其夫婦子媳耶皆關骨肉之至親生旣同其室死不能歛其形甚至爲烏鳶所食糶貉所殘蚊蚋所姑嘍斷未有不傷心慘目者特限於其力生者不能餬口將填溝壑之不暇故因循浮厝不使死者安窀穸耳葬之爲言藏也所謂老有所終者此也誠得司土之吏與邑士大夫諄加勸勉則澤及枯骨余猶望於後之君子也是爲記

重修桐邑城隍廟記

戴槃

城隍之祀其昉於三代乎古者入蜡有水庸說者謂水者隍庸者城也然古今之禮不同神之所司亦異唐令天下通祀始崇城隍之名明制皆封爵都會曰王郡曰公縣曰侯伯實命以守土之司以陰翊教化凡水旱疫癘維神是鑒故獄訟有疑不決者宿而禱焉奉祀弗虔是有司曠厥職也桐邑城隍廟在縣治西北一里明宣德五年析崇德地置桐邑知縣趙君中實建茲廟厥後遞有增修迨乾隆丁酉知縣潘君安智廣拓規模殿宇宏壯咸豐乙卯八月祝融告警正殿後寢

三

一炬而燼余十月蒞任後捐資五十萬錢勸諭城鎮共出資錢數千萬鳩工庀材丙辰八月正殿落成丁巳秋寢宮亦就廟貌巍峩棟宇邃穆更盛於前余懸額曰馮依在德誠以神之與人所謂陰陽表裏者也夫治民以仁事神以敬故神饗而民福此司土之責也自今以往雨暘無愆期人民無天札獄訟無枉濫詩云相在爾室尙不愧於屋漏豈俟夫鐘鏞之設酒醴之陳然後祭神如神在哉余願與後之守茲土者共勉之是爲記

重修桐署土地祠記

戴槃

桐署有土地祠者不知創於何時相傳以爲靈感凡遇獄訟有疑不決者宿而禱焉卽示以夢其靈驗如此前邑宰崔君爲余言之詳矣余自咸豐五年抵署捐資五十萬錢重加修葺奉祀維虔嗣後每逢朔望咸上香焉是廟也建於署內之西首殿宇狹隘旁有附屋丙辰冬十月役人不謹夜半旁屋火起烈焰甚張是屋在廟側逼近衙署上房其時滿署人心皇皇見火光外灼咸以爲不可撲滅余乃禱於土神前火旋滅衙署廟宇均各無恙閱日演劇以酬之余乃感神之有求

三

必應而靈莫靈於此矣夫神之與人惟德是依有司德不足以感神而神若無靈有司德足以感神而神愈顯其靈聰明正直而爲神神靈不同其靈感則一依人而行者也上古五行之官皆祀爲神勾龍司土也神爲后土詩云濯濯厥靈其桐邑土神之謂與而余更加敬焉余自蒞任後大獄未興人民無天賊氛逼近而地方之安堵如故雨澤愆期而黎庶之安分如故兩載以來災警頻仍而四境雍熙萬民和洽若相安於無事之天未始非斯神之所庇佑也余乃報政成樂神惠焉是爲記

重修桐邑節孝祠記

戴槃

四德莫大於節百行莫先於孝

朝廷旌門有典專祀有祠俾春秋二仲上戊奉俎豆潔粢盛所以厚人倫正風化有其舉之莫敢廢也然則膺民社之寄者詎可忽諸桐邑節孝祠在縣治東肇於雍正二年知縣事陳君大慶擇明賢令曾君士彥祠基創立歲久傾頽乾隆壬寅知縣李君銓重修門堂呂君爾禧許君恂踵其成迄今六十餘年祠圯祀廢邑之紳士耆老盡然傷焉余蒞斯任讀徐始豐稿元末有禹淑卿者苗獠之亂投水死又讀貝清江集

古

明有濮彥仁妾龐氏唐氏自縊死未嘗不喟然太息自是厥後或夫死身殉或守志養姑教子載於志乘班班可考近日以來節義踵起凡志乘所不及書旌表所未及加與紳士大夫且將採訪而表揚之而顧使已列祀典者祐主委棄棟宇摧殘不獲灌鬱鬯獻祝帛久將無所稽焉非守土者之過乎余滋懼甚乃出錢五萬倡議興修凡節孝後裔感余之意踴躍助輸共得錢四十萬鳩工庀材輪奐一新迺於咸豐七年八月初二日舉行祭祀肅肅翼翼如也余考會典春秋每年祭祀銀五兩八錢一分七釐余更出廉銀六兩以爲祭費嗣

後春秋永定爲例是余區區盡職守之心願與紳士大夫共
守之也是爲記



吉

重修桐邑養濟院記

戴榮

城西門內舊有養濟院凡孤貧老民收養之以終天年舊志稱前後四聯共屋二十餘間養老民五十名爲額自乾隆八年迄今歲久傾圮老民外住者多在院者少余懼其漸歸廢弛將有名無實也余出錢二十萬以爲修葺之用賴邑之神士大夫踵而成之夫王政在善養老古有國老有庶老有鄉飲酒之禮今禮文雖存幾成故事然老民之有子弟者教以孝弟雖貧猶不至凍餒若老而無子曰獨則無以爲家其親族鄰里絕無可依使無以收養之則此鮪背耆老之人不將委於道乎是天生之假以餘年而人促之絕其生路也夫老者必多疾有瞽者有跛者有聾瞶者皆當矜憐而撫恤之故病則有藥死則有棺余之殷然於此事亦振頽起廢之一端也是爲記

六

城西門內舊有養濟院凡孤貧老民收養之以終天年舊志稱前後四聯共屋二十餘間養老民五十名爲額自乾隆八年迄今歲久傾圮老民外住者多在院者少余懼其漸歸廢弛將有名無實也余出錢二十萬以爲修葺之用賴邑之神士大夫踵而成之夫王政在善養老古有國老有庶老有鄉飲酒之禮今禮文雖存幾成故事然老民之有子弟者教以孝弟雖貧猶不至凍餒若老而無子曰獨則無以爲家其親族鄰里絕無可依使無以收養之則此鮪背耆老之人不將委於道乎是天生之假以餘年而人促之絕其生路也夫老者必多疾有瞽者有跛者有聾瞶者皆當矜憐而撫恤之故病則有藥死則有棺余之殷然於此事亦振頽起廢之一端也是爲記

咸豐乙卯秋舉行鄉試適余自樂清辦理軍務事畢還省後卽派入闈余生平嗜文字自癸丑秋行抵江北留營辦理團練至乙卯樂清事竣將及三載武事畢而文教興余得與乎其間心竊喜焉獨念爲是事者亦大不易兩浙爲人文淵藪英才畢集不下萬餘人闈中同校者十六人每房分試卷六百有餘則例云三卷薦一五卷薦二遵是例也應薦二百餘卷豈不難乎余自分卷以來晝夜校閱凡有可薦之文不問典試者之好尙靡不呈薦是以同校諸君薦卷皆少而余獨

七

多其餘未薦各卷亦復重加校閱至於再三而後已焉蓋可信者人事也而不可知者天命也余亦盡余之心而已而此中更有奇焉者余在樂清辦理瞿逆謀犯一案因同謀之人名列膠庠者不少每與同官言曰今歲寶興溫郡士子如能中式一二人可以鼓勵衆心俾地方不致再生事端余所望也同官曰溫台等郡厯逢鄉試中數寥寥或數年而一中焉或十數年而一中焉此乃不可必得之事余聞其言而不敢過望迨至榜發日揭曉大半溫台處三郡中式者無一人余更無所望矣及填至七十有三名溫州瑞安劉生竟獲邀中

卽係余所薦之士諸同官對余言曰一念之誠可格上蒼其
斯之謂與余謂人心卽天心也是爲記



六

浙闈疊韻

和薛慰農同年乙卯浙闈分校感賦六律卽步原韻

戴槃

卯歲重週舊夢圓

余膺癸卯鄉薦迄今一週

光陰虛度意悠然桂枝吐秀

爭新艷蘭譜同登證宿緣不信生平精藻鑑誰教文字落言

詮鍾靈地愛湖山美鎖院掄才集衆賢

求賢子子召千旌衡鑒端憑哲匠明自是大才能大用須知

經世本經生人誇足捷青雲上我願心清白水盟欲話當年

辛苦味且欣分校盡豪英

九

四上春闈厯碌忙勞勞車馬者番裝鴻名自愧通經譽

余刻有集

書文賦稿行世時人有通經之譽

鶚薦空膺選佛場

余丁未壬子會試文集經均因額滿見遺

說入官緣學古敢云華國有文章宏篇鉅製琳瑯滿選向京

都費主張

余壬子在京候銓有三科鄉會墨選

奮武揆文志願殊從來材藝不相符蜀岡羈跡頻年久

余癸丑出

京奉漕帥福公咨留揚州大營委辦軍務

甌郡從公與衆俱

余以去臘赴溫州委帶練勇辦理糧台

歲月如流陰似箭秋風幾度露成珠戰場凱撤文場啟棘院

重遊欲問途

遙想金陵意亦灰武林返旆正歸來

余五月下旬委赴江南查探軍情秋初回浙

儒生也作干城選江南因粵匪盤踞士多投營効力者碩彥空儲杞梓材粵匪占踞

江南本科鄉試練勇先驅連潤邑余籍隸鎮江奉委勸捐辦團一載餘狂瀾欲

挽仗雄才與君同是江南士惟冀天心意早迴

西泠毓秀盡英姿湖光山光亦逞奇人幸風雲多盛會兵銷

日月耀重離傳心自有金針度放眼全憑玉尺持愧少瓊章

酬唱答他山取助重相資

再登前韻

皓月揚輝魄未圓棘闈重到亦陶然如雲多士添新侶舊雨

聯吟話夙緣文字初交徵宿學詞源不竭具真詮雕蟲小技

三

皆餘事濟治從來重舉賢

連番疎雨冷簾旌忽喜晴開露景明春色未看花縣滿余壬子冬

部選桐鄉因留營至甲寅秋赴浙甲寅冬委署湯溪嗣因委赴溫州兩縣均未到任秋風正向桂枝生

登龍迴憶當年事附驥新尋此日盟余籤掣十六房二八升庭才濟

濟浙闈同考共十六人分行君獨領羣英君掣籤第一房

檢點芸窗竟日忙安排經史不須裝居分西院鄰東院浙闈東西

兩院余居西院喜得文場易宦場精見天心方講易吟符地數自成

章闈中詩題余擬作十首詩場鼓吹家聲遠麗句休誇錦繡張

莫謂同舟道誼殊辭章達到意均符今科首題道不同兩章詩磨伐木

殷勤和

次題詩云伐柯代柯三句

學共圍棋智慧俱

三題為是其智二句

漫說通經

文比玉誰能獻策語穿珠高吟况得江山助

詩題夜添山兩作江聲

獨

闌叮哇早識途

紅燭燒殘蠟炬灰文章萬卷各分來

今科士子入闈者一萬二百餘人

甄陶

共沐菁莪化衡鑒誰為械樸材白屋功深覘實學

三場策問內有覘實

學之語

朱衣首肯即真才搜羅恐有遺珠賸子細評量閱幾迴

天開蕊榜盡仙姿文苑英華各吐奇彩筆花生都是夢元燈

光照已明離無才奪席慙虛譽

余書經集句文出作詩者有吾黨經生說戴憑之句

有

酒盈樽樂共持更幸一官同一郡爰山地近重先資

君補嘉興余授

三

桐鄉出闈後均赴任

三疊前韻

詩成玉潤又珠圓三疊重吟更自然身到棘闈新契合名登

桂籍舊因緣未曾擊鉢連篇就欲待鳴琴治理詮莫謂曲高

終和寡摛詞勉附眾英賢

回頭往事促行旌風雨重陽記憶明

余以去歲重陽後一日啟程赴浙

家住

南梁經兩載

粵匪占踞揚鎮余移家南梁將近兩載

宦遊西浙訂三生良辰又

值登高節潔己常思勵水盟一詠一觴添雅趣敲詩但少菊

舒英

記曾歲杪出師忙薦及櫻桃始整裝

余壬寅臘月于役溫州樂城收復辦理善後至

今夏四月回省

治佐赤城濱巨海

余壬寅冬委署台州同知今秋九月卸事

光明白地到

文場敢誇手筆空餘子

典試景公評余試帖詩有目無餘子之譽

自愧頭銜列薦

溫州事竣保奏以余收復樂城在事出力得加同知升銜

此處星輝奎璧照兵銷弓矢

不須張

南北東西道路殊

指兩江兩湖河南兩廣

幾人專闔掌兵符三年烽火

驚心久七省文闈展試俱

江左右及楚粵豫各省均停鄉試

虎氣深藏盈匣

劍蚌胎未吐媚川珠愆期更有黔陽地

貴州因土匪滋擾亦停鄉試

星使

言旋返半途

三

狼烟欲吐未成灰

今春粵匪竄入廣信徽州衢嚴兩府曾經告警

幸得羣英依舊來

地美湖山靈毓物天儲杞梓篤因材落梅空擬徐公畫

典試周公

評余試帖有如徐熙畫落梅偃仰欹側無一瓣平複之譽

香草難題薛子才

君以香草詩囑余題句尙

未屬吟就如成三賦捷詩腸宛轉意頻迴

同詠霓裳惆儻姿吟風弄月莫稱奇鑿衡共信心能澈慈愛

須知道不離甘雨隨車期渥沛文風振鐸賴維持此身願作

循良吏尤藉觀摩益友資

四疊前韻

行欲端方智欲圓枯腸搜索韻依然重陽節過無多日三疊

吟成未了緣六十年前徽遠紹余叔祖羨門制軍曾任山西臨縣乾隆乙卯分校棘闈

萬千卷裏妙能詮請君再把詞源倒况有聯吟哲匠賢周典試公

和君原唱

多士心懸動若旌文章細勘校逾明詞壇錦繡胸中富學海

波瀾舌底生蟾窟分香攀桂子龍門得路結蘭盟題糕未搗

劉郎筆矢口成章質衆英

槐子黃時赴舉忙文闈試罷束歸裝驚心歲月曾三載過眼

秋風文一場詩並十聯皆鳳藻今科闈墨試帖二十首文符大衍盡鴻

章今科闈墨四書經文共五十篇待逢皓魄團團候望日出榜走馬同看蕊榜張

三

一樣題名數不殊竹林賢契適相符各房均中七名羣英領袖公明

占謂雪坡邊君房內發解得意揮毫我輩俱瑤階吳君與君均成三疊人綴巍科皆

是玉珍收滄海少遺珠諸君且答昇平樂自古文衡重宦途

多少英豪壯志灰嘉賓燕赴鹿鳴來門盈桃李初成蔭木樹

榭楠有異材羣萃俊人空地數浙闈正榜九十四名今科添額一名名符學士

副賢才浙闈副榜十八名惟期雲路同登客轉瞬春風得意迴

誰是游龍矯矯姿天生碩彥盡珍奇夢醒甜處都成幻興到

濃時又欲離句疊翻嫌分手速衡平常使寸心持今科考簾詩題鑑空

衡平積金空有詩囊富舊雨難酬贈別資典試周公余癸卯同年

五疊前韻

詞新面面意俱圓刻燭頻催蠟炬然廿四詩成添雅韻兩三

人契證前緣多聞益友吟相和難得乾剛理共詮今科考策文題吾未

見剛者一節師訓未承函丈遠持衡同是為興賢余癸卯座師賈筠堂夫子今

科典試

聚奎堂啟駐文旌天上星輝分外明班斧弄成懷舊技今科擬墨

敖君丹崖樂君蘭史吳君瑤階並君與余共成五藝江花入夢感今生讀書愧我稱通

品余癸卯座師徐稼生夫子贈余聯句有讀書通品之譽拈句憑君作主盟兩字功名

一字誤留心寄語後來英君與吳君房中所得土卷因抬頭錯誤被黜

語

地近燕山選事忙桐溪再授束行裝余原選順天順義縣因親老告近改選桐鄉

情因道路三千里試罷春秋四五場余鄉試五次會試四次歸里難吟

東閣句余癸丑春自都門返南揚鎮二郡均失守歌詩頻頌北山章余去秋抵浙親老至今

未能迎養五旬未得平安報遙憶菴鱸思比張

滇南冀北路懸殊次第銓若合符余胞兄壬子九月選雲南彌勒縣余十月選順

天順義縣蕊榜剛開英俊集余銓選時值順天壬子科榜發後花封疊選弟兄俱

壬子九十兩月余胞兄弟次第銓余與胞兄同赴秋選從兄亦於九月選四川崇甯縣治求管見珍聯璧刻有求

治管見余刻有書經集句文賦八稱之為聯璧文末光騰攢韞珠余與胞兄同赴秋闈四次至癸卯鄉

薦兄已以講武掄才心事異睽違兩地幾程途余胞兄奏留皖省委辦軍

務現保舉以
知府卽選

十年兩劫燼成灰

潤城道光二十二年夏夷人占踞咸豐二年春又被粵匪占踞 渡阻西津

莫往來

粵匪占踞揚鎮南道路梗塞

試展南邦遲歲月場開北地聚英材

今科士子因各省展試均赴北闈

時逢卯運家聲振余家科名卯年最多

學裕丁年國

士才虎榜題名期後輩

余受業胞姪赴北闈應試

桂宮能否折枝迴

水泛西湖有令姿鍾靈毓秀出英奇師門望切空惆悵

余癸卯

房師朱半塘夫子籍隸海甯去冬仙逝未能謁見

試院吟殘又別離父母名稱期不

愧余乙未入泮文題此之謂民之父母

膠庠教重化能持通經致用非虛語一

代文章百代資

六疊前韻

三

中秋節過月重圓休道更闌意索然矢口吟成添雅韻仙心

詠雜絕塵緣名占易卦曾超俗

余刻有易經卦名試帖兩卷

和記詩章有

正詮起草未經標姓字不知誰是冠羣賢

為表為坊善共旌頻將鼓吹頌休明十年學積憑匡子四代

經傳本伏生

余嗜學經籍尤嗜讀書

理欲源頭心早判

余癸卯鄉薦首題顏淵問仁三

句公私眼界志常盟

三題詩云雨我公田三句

君恩高厚如天地

二題上律天時

四句余選桐鄉癸丑引

見時值湖北奏請揀發

得到西

洽拔俊英

負笈來遊士子忙衣冠雅稱是儒裝詩成舊雨聯新雨奎聚

南場憶北場中額廣添新俊秀

壬子春臨雍太學照例廣額今科北闈舉行

精心

同撰大文章觀聽回首園橋地

壬子臨雍余躬逢盛典

好句吟成紙幾

張

余親觀臨雍盛典和有詩章

吳越疆分地理殊歲逢卯兔運相符科名增減憑天定

庚子江蘇

中額誤加一名癸卯補皖省一名減額一名今科浙省增額一名

文字興衰自古俱

今科江蘇南因粵

匪占踞未

一鑑高懸心若鏡六星朗照氣如珠獨鳴天籟成

天趣何必升階戀仕途

余入闈日浙省保加升銜薦章甫發兩江制軍怡以余在揚州大營督辦

團練防剿出力擬以同知留浙補用嗣於咸豐六年奉旨

美

幸得吹葭未動灰秋光猶記自西來湖山本是鍾靈地廊廟

誰爲出衆材去歲武功會論賞

余督揚郡各屬團練擇出力之士保舉廿三人嗣奉兩江

督憲怡俯准所請會摺保奏於咸豐六年奉旨

今科文事又衡才元戎褒語羞稱

幹部考語有人甚勤幹人頗幹練之稱

未奏膚功首莫迴

鈞心鬪角挺殊姿象數麟編莫擅奇

今科文多專經

經到明通皆註

脚典試周公評余擬墨有以六經爲註脚之語

詞多附會總支離十三藝絕羣言

挹典試周公評解元文有高挹羣言之語

卅六詩成大筆持自信斯文除漲墨

鑄梨留作後人資

余擬墨刻入同門卷內

捐送田地通詳文

詳請立案事竊照

卑職

承乏桐鄉於茲兩載凡地方公事有

裨益於士民者無不盡心籌畫查桐邑向有分水書院爲生童肄業之所有嬰堂爲收養幼孩之地又桐邑風俗暴棺於野延不掩埋甚至有以火葬者以上三事

卑職

於撫字催科

之外細爲採訪知書院之膏火獎賞經費無多知育嬰堂之養育撫綏經費不足並知民間之棄棺不葬一由於野無曠土一由於貧無葬資當經

卑職

勉捐廉俸錢三千串置買田

地三百畝零每處各捐田地一百畝零發交各司事經管並

三

分別註冊立戶由各司事收租完賦作爲各處費用仍飭各司事議立規模於年終將經手進出各欸呈縣備案以昭覈實誠恐事難垂久有初鮮終善舉廢弛仍無實濟思維至再理合備文呈詳仰祈

憲臺察核俯賜立案實爲公便爲此備由具申伏乞照詳施行

咸豐七年八月

日詳

咸豐七年十二月奉

府憲札轉奉

撫憲晏 批桐鄉縣具詳分水書院並育嬰堂及掩埋經費不敷現捐廉俸三千串置買田地三百畝交司事收租完賦作為各處費用呈請立案緣由奉批捐錢置產以作書院嬰堂以及掩埋經費洵屬善舉據詳前情仰布政司迅卽核覆飭遵此繳等因除呈復並於縣詳批示外合行札知札府卽便轉行遵照批飭事理督令各司事妥議規條務垂久遠仍將收支各數於年終造冊送司查核毋遲又奉

藩憲徐 批該前縣戴合捐廉置產作為書院嬰堂掩埋三款經費之用俱屬有益地方嘉惠士林之善舉洵堪嘉尙現

奉

三

撫憲批示仰嘉興府查照另札遵行飭令各司事設立規條務垂久遠切切此繳又奉

臬憲段 批該前縣戴合詳分水書院等經費不足捐廉置產買田詳請立案由奉批仰嘉興府核飭立案仍候

兩院憲暨

藩司

巡道核示繳等因奉此合行轉飭知照嗣奉

巡道憲葉

批據詳嬰堂書院等處經費不足該縣捐買田

產洵為好義可嘉仰卽飭令各司事妥為辦理毋使日久廢

弛切切此繳又奉

糧道憲王 批據詳該縣地方書院嬰堂經費不足且民間
有棄棺不葬之風業據捐置田畝以資各項經費具見盡心
民事殊堪嘉尚仰將議立規條及經手司事姓名開摺呈候
核奏毋稍遲延切切此繳



无

補請立案通詳文

爲補請立案事竊照 卑府 前在桐鄉任內捐廉三千串置買

田地三百畝零以爲分水書院育嬰堂及掩埋枯骨經費於

咸豐七年七月申詳

前撫憲晏暨

繼

憲均奉批示在案當飭經書魏學治協同

各董經理其事將田畝坐落圖分細數並佃戶姓名完米完錢數目造具清冊呈送由各堂司事逐年收租以歸公用在案現經兵燹各衙門冊卷蕩然無存茲特將原詳並奉

前憲批示鈔錄一紙補請立案所有田畝坐落圖分細數以

三

及各佃戶姓名另鈔一冊札發桐鄉縣轉飭原董經書查照冊開按圖稽核清楚仍令各堂司事酌量收租歸公應用理合備文補詳仰祈

憲臺察核俯准立案實爲公便爲此備由具申伏乞

照詳施行

同治三年十一月 日詳

同治三年十二月奉

署理藩憲楊札轉奉

護理撫憲蔣批該守詳補送前在桐鄉縣任內捐置田地作

書院嬰堂掩埋三款經費原詳並憲批詳請備案等緣由奉
批布政司飭卽照錄原捐田地坐落畝分及佃戶姓名細冊
呈送備查並飭現任桐鄉縣將所收租息支用經費各數按
年造冊通送核銷勿任違延此致鈔詳存等因奉此查據該
守並詳到司除批示並札飭嘉興府轉飭遵辦外合行札知
札到該守遵照卽將原捐田地坐落畝分及佃戶姓名細冊
鈔錄一分逕送

撫憲另鈔一分送司查核毋違又奉

署理藩憲楊 批現據該守詳奉

三

護理撫憲批行到司仰卽查照另札遵行繳又准嘉興府許
移開轉奉

代辦臬憲林批貴府稟前在桐鄉縣任內捐買田地以作分
水書院膏伙收養嬰孩掩埋棺骨經費之用現經兵燹冊卷
蕩然詳請立案等緣由奉批希嘉興府轉飭鈔詳立案並移
該守知照仍候
撫憲批示此復又奉

兼護糧道憲薛 批已札飭桐鄉縣將所捐田地按圖稽查
交各堂司事收租歸公矣希候

撫憲批示此覆



三

大英欽命

自古通經致用三代下西京最多如賈長沙董江都匡鼎來
劉中壘諸公皆本經學爲經濟其議論文章照耀史冊他如
文翁治蜀龔遂治渤海張敞治京兆教養黎元咸以經術飾
吏治爲兩漢循吏冠黃霸治潁川亦深得吏民心至天子下
詔褒美賜一丈車可謂盛矣乃一登相府名譽遂減說者謂
經學疏也公孫宏以對策躋大位經生譏其曲學阿世此又
經術未純也戴崇從學張禹說經奪重席世稱其愷悌多智
得與後堂絲竹師亦重其爲人此又敦行誼而非專以經學
顯也然經學之重於古如此當今荒經蔑古大率皆空疏謏

跋

一

陋間有能詩文名通經者試以吏治無論古之循良政績莫
能舉也卽薄書狀判亦惛然莫辨無怪乎以異途進者輒譏
經生爲迂濶而遠於事情嗚呼通經豈若是哉丹徒戴澗鄰
觀察起家縣令初宰我桐鄉以實心行實政百廢具舉百姓
愛之上遊重之

憲采

屬部民時幕遊江蘇偶一旋里晉謁知

非風塵吏也人皆知其文賦本於璧經風行海內羣艷稱之

而不知其吏治之善皆由經學中來今公已擢升監司攝篆

睦州

憲采

於分水權鐸又以屬吏謁公見公名位日隆勳德

日懋而起居簡泊言論藹如仍是宰桐時書生本色此內重

外輕經學之力也益嘆公真不可及矣退而得讀其宦遊記
畧大半記宰桐時治蹟皆憲采所耳熟能詳且嘗身受者也

其中如禱雨救荒養濟育嬰保衛鄉里皆養民善政也掩埋
書院置膳田重修節孝祠皆教民善政也夫諸善政皆以實
心實力行之卽擬諸兩漢循吏誰不謂然今雖遭浩劫善政
至今尙存士民猶謳思不置嘗謂吏治之壞一壞於資郎以
市道治一壞於書生以迂疏用彼此環相笑而民生日困倘
得如公者數人分布於監司郡守間以身說法督勸吏治吏
治日有起色民生亦日有生機乎余讀公之書有以見公之

跋

二

心因跋數語以告世之實心爲民者同治四年乙丑嘉平月
桐鄉孔憲采謹跋

桐溪記畧題辭

上元朱緒曾

述之

解經不窮戴侍中詰屈盤詰文能通點竄塗改學韓子筆補
造化眞天工經綸手段試小邑釀爲甘雨噓和風舒之桐鄉
昔朱邑禾之桐鄉今戴崇三年政成民俗化縣譜一一談始
終中牟三異不足數使君八政福我桐巍峩廟貌肅城社明
禋鐘鼓神無恫手置腴田贍膏火絃歌石室師文翁肉帛常
給帶索叟黃口乳哺胥悒悒柏舟烈性保霜幹蒿里殘骹掩
露叢束皙請兩足三日富公出粟飢爲豐探丸赤白縛且治
風鶴聲息無伏戎爰基之山青如蔥桐民頌遍君侯功君侯
更躍五馬驥卽看郭伋迎兒童

新城

楊炳

子萱

使君八政飭官方治譜蔚然經籍光記畧一篇輿論在古今
循吏兩桐鄉

雷封百里比諸侯接壤當年溯景猷愧我河陽曾綰綬蠻花
狇鳥異中州

旌德

呂朝瑞

九霞

何堪一炬燼成灰吉日鳩工更庀材神所憑依原托德桐溪

幸有使君來敬神

經術文章世共傳人才樂育教爲先寒儒都入春風座豈獨

膏腴百畝田育士

謀深頤養一心殫燕息能教老者安從此棲身欣得所羣居

不畏雨風寒養老

最憐拋棄是嬰兒收養毋教道路遺一念誠求如保赤斯民

均已被仁慈幼

門旌節孝重

朝廷祀列春秋黍稷馨何忍摧殘梁棟圯一新輪奐慰貞靈

全

二

甲令森然甫下車首先營葬弊宜除傷心骸骨無人問立法

常留德澤餘尚義

烈日炎炎禱上蒼民情愛戴不能忘天災竟使秋成薄惠及

黎元徧六鄉恤貧

鄰氣逼近變潛生除莠安良令出行民力民財均未用閭閻

依舊樂

昇平安良

通州沈錫慶鷺鄉

祭神如神在春秋祀典循威靈瞻赫濯廟貌一番新重修城隍廟

教學本為先士乃四民首培養百畝田法垂期可久分水書院置田

窮民無所告葺屋宜周知不為秋風破老者恒安之重修養濟院

保赤在誠求毋令遺道右仁政本仁心斯民歌眾母育嬰堂置田

旌門重節孝松柏守貞操祠宇何堪圯經營不憚勞重修節孝祠

蔓草荒榛裏傷心暴骨遺掩皆仁政及經理事兼司掩埋枯骨

夏日炎如火災荒早象成萬民仍飽德四境不呼庚接濟災黎

風鶴忽相驚滿目成荆棘思患而預防能令羣動息保衛鄉里

瀨水 宋邦德 惠人

三

口碑遙頌厥勳隆治術都憑學術通文字久傳江左右政聲

已播浙西東才施百里來鳴鳳路過雙橋映彩虹雙橋鳴鳳里皆桐鄉

地名車下桐溪逢愛日駕行桑野重觀風菁莪育士英賢聚黍

稷升香廟貌崇夏屋同登偕白首春臺其上到黃童貞魂猶

表堅松操白骨無遺細草叢保甲常嚴為警鶴呼庚不聽泯

哀鴻成功未待三年久向化都看一道同鶴俸頻分先倡首

雞廉自守克持躬飛鳧治洽稱朱邑想象人思仰召公豈獨

龍章邀寵錫

詔頒丹陛

聖恩洪

公在桐鄉縣任已膺二品

典封

膏澤如甘雨萬民歌召父鉅製傳八篇芳名足千古

仁政行在心德政碑在口立功還立言三者俱不朽

文章驚海內政治播浙中揮金先倡義兩袖仍清風

幸上長安道與君話別離一斑今畧見豹向管中窺

無錫 秦廣彤 臨士

奪席高才世共推醇儒經濟復昭垂八篇鉅製爭千古卽是

桐溪萬口碑

誰堪民俗挽頽風遺愛人爭仰召公從此政成登上考雙控

四

五馬澗西東

叨同蕊榜十年餘又值京華慰素居我尙雕蟲君展驥冀黃

治譜又何如

同里 劉成忠 子恕

治術文章並擅長八篇雅記卽鴻章三升秩已黃堂晉 公在 桐鄉

任三膺薦章去任時 已保舉以知府補用 名達 天衢姓氏香

通經致用讀書家政事敷陳亦孔嘉爲令無慚平仲後猶留

遺愛頌西華 公去任時邑人公送 匾額曰西華遺愛

供徧香花滿路稠邑中齊拜小諸侯四民願奉長生位 公去 任後

節孝祠等處均
供長生祿位

父老攀轅計莫留

扁舟無恙泛清波萬姓歡呼夾岸多
六十里中喧鼓吹笙歌

一片蓬嘉禾

君去桐鄉赴禾郡邑人
僱舟演劇送至嘉興

秀水沈謙蓮溪

憶昔出守古潤州下車問俗採名流
人文會萃多豪傑通經
惟君拔其尤未幾量移轉他郡
果然鵬鶚騰九秋信是名下
無虛士中心景仰不可求
我今養拙林泉裏君今宦遊來浙
水出宰桐溪會有時聞之竊爲蒼生喜
當年相士識澹臺今日爲官推宓氏
治邑不異烹小鮮愛民無殊保赤子
救災捍

五

患遇權謀除莠安良靖閭里
口碑載道同一辭但聽斯民歌
樂只君之抱負本非常才大何可斗
升量操刀一割聊奏效
百里詎足騁龍驤况當強仕年
方壯經術吏治世所望願君
盡展平生志毋若老驥伏櫪徒自傷

嘉興錢應溥子密

三山鼎峙大江濱毓秀鍾靈自有人
攜酒曾留高隱迹說經
不愧侍中臣門開甲第家傳笏
學富丁年席貢珍銓選掄材
分兩泐翩然作吏到風塵

琴鶴相隨泛棹船盈盈一水赴桐川
羣歌叔度來何暮共仰

王喬至若仙花落訟庭無累牘風清官舍聽鳴絃誰云百里非賢路且試牛刀割小鮮

無端亢旱害嘉禾賢宰焦勞奈歲何澤有哀鴻先撫字村無吠犬息催科仁孚子惠羣黎感民免庚庾呼德澤多冒暑勘災來四野車隨甘雨召天和

盤根錯節歷艱虞游刃方知利器須信是實心行實政從來名吏本名儒寇公願借安民社劉守難留餞道途早卜循聲推第一

君授職桐鄉時余贈聯句有循聲第一重吳公之句

果然名薦達

天衢

桐鄉周士炳

蓮史

六

祝融災邑廟騶從未來句鳧鳥飛翔至鳩工結構新馮依神

在德

君題邑廟額曰馮依在德

祈禱福斯民猶憶良苗稿油然降澤勻

敬神

廣廈貧寒庇慈君願不虛良田儲餼廩多士樂詩書表率延鴻博侵漁禁蠹胥

公捐置田畝通詳立案以杜侵蝕

至今桐水側人共帶經

鋤

士育

鰥獨窮無告仁恩所必先旃幪依德庇衽席得安眠夏屋渠

渠地春臺皞皞天從茲看白叟引養盡餘年

老養

欲廣慈祥德君從幼幼推名無慚衆母惠更及遺孩黃口欣含哺蒼生幸免災兒童騎竹馬賢守盼重來

慈幼

蔓草荒祠裏貞魂久不歸冰霜揚節烈榭桷建崔巍祭祀春

秋肅精靈左右依幽光潛必發風化振閭闈全貞

暴骨嗟無主仁人動慘悽生皆為赤子死豈異黔黎藁土遺

骸斂碑文義塚題省耕來野外屢為駐輪蹄尚義

旱魃為災虐啼飢遍道途捐廉先賑粟度地議蠲租境絕飛

蝗入丙辰歲旱並苦蝗桐邑鄰縣有蝗未曾入境民皆涸鮒蘇西華遺德政公去任時

閩邑公送匾額曰西華遺愛士庶效揚揄恤貧

不禁萑蒲盜鄉間曷以安渠魁身就縛餘黨膽俱寒守望家

為保嚴威猛濟寬綠林羣歛迹四境共騰歡安良

七

桐鄉 陸秉樞 眉生

鳳凰鳴矣于彼中鄉梧桐生矣于彼高岡君子至止朱芾斯

皇靖共爾位綱紀四方遠猷辰告萬民所望父母孔邇邦家

之光

豈弟君子民之攸歸哀此鰥寡我儀圖之哀此惇獨于時保

之小子有造飲之食之成人有德教之誨之羣黎百姓中心

喜之

早既太甚民人所瞻六月徂暑赫赫炎炎以祈甘雨稅于桑

田敬恭明神瞻仰昊天靈雨既零迄用康年郁伯勞之四方

于宣
四牡彭彭入覲于

王邦畿千里道阻且長何斯違斯莫敢或追繫之維之躋彼
公堂召伯所憇蔽芾甘棠維桑與梓允懷不忘

桐鄉嚴辰 溜生

昔游京華地品概仰麟响心胸羅典籍懷抱裕經綸卯年登
桂籍同譜迹相親文章驚海內讀之繫節頻忽聞膺

簡命來遊桐水濱歡心生鼓舞賢宰慶得人識面思已舊觀
化喜從新盟心如白水有腳如陽春爲政無他求潔己而愛

八

民捐貲養老幼傾橐賑窮貧盈門植桃李礙道剪荆榛麥隴
無蝗入桑田有雉馴居官方兩紀風化使之淳無奈神仙吏
不久困風塵長途馳驥足巨壑縱鯨鱗君來深景仰君去曷
遵循絃歌思雅化雨露感深仁何時鳳鳴鄉秉節復來旬

同里尤英 燕菴

憶昔見君摘文詞羨君勇敢不自疑周誥殷盤信筆爲詩成
得意珠璣垂又嘗聞君動高論風生獵獵流泉噴滿堂聽者
無不遜攬言欲入安足溷生平膽畧類如此知君爲政亦復
爾遠寄桐溪記相示果然百務煩劇理小民謳吟上官喜桐

溪西接吳淞水香名日至滿余耳卜君功業方未已不獨富
貴耀鄉里

同里 韓弼元 叔起

戴君示我桐溪記記中備述桐溪事政拙催科勤撫字桐溪
流水清且淪中含惠化熙如春出作入息桐溪人君去桐溪
今幾載桐溪溪色長不改道旁口碑與俱在五馬翩翩出

帝都昔綰墨綬今銅符桐溪竹馬羣兒趨軍興郡邑多徵
賦願君一視均仁恕不獨桐溪歌襦袴

同里 莊兆曾 慕沂

九

桐溪之水何清駛黃童謳吟白髮喜使君政與爰山峙理明
格出勤撫字洋洋沛澤及枯齒女貞之木靈光歸昊魃潛逝
溝瀆起梧桐鸞鳳化棘枳尾間鏡清海波委朱邑桐鄉如一
軌江東氛高夕烽紫道旁瘡痕走顛趾君來鄉邦勞化理鄙
屋欣欣拭目視廣平甘雨差可擬不獨浙西歌樂只

同里 顧敦敏 厚齋

其仰鴻猷裕流傳姓氏揚八篇真學問千古大文章奪席才
難匹通經素所長名言宗四代雅韻逼三唐虎榜欣同列螭
吻獨早望救荒勤梓里

簡命授桐鄉布政遲及邑從軍住蜀岡元戎期禦敵勁旅率
成行棄甲人潛遁艱辛已備嘗成功先鐵甕作宦到錢塘台
郡嚴分守威坪重設防除奸來樂邑校士入文場撤棘辭圍
院鳴琴蒞政堂隨車甘雨至被野惠風颺郵治馨香薦英賢
教育忙垂青深引養保赤重慈祥欲表丹心烈能令白骨藏
發棠休請命除莠自安良次第洪綱舉從容細目張捐金膏
澤下如玉德音臧兩載留嘉績三遷達薦章仁纔周綠野秩
已晉黃堂頌徧循聲著生期祿位長 天顏方入覲

九陞沐

恩光

十

甘泉 錢國珍 子奇

注禮傳家世澤延宏才小試喻烹鮮說經早奪匡劉席布化
同稱召杜賢仁粟溥施成義社慈雲分潤挹廉泉且看涇上
梧桐樹鳴鳳曾棲百尺巔 桐邑有梧桐涇昔有鳴鳳集其上

嘉禾惠愛澤甘棠攜李城中治績彰瑣院衡才襄玉尺 乙卯分枝

書田養士散金秬 捐資置田爲分 催科先重農桑課判牘都

分翰墨香信是儒生能報

國由來經濟卽文章

漢家朱邑頌桐君治行超遷早軼羣五馬高門崇峻望雙熊

華轂表殊勲宦游徧覽湖山秀政績無忘夙夜勤數疊新詩
珠玉富幸從藻翰領奇芬

公暇先將治譜修廉平矜式仰嘉猷清風蘇白薇堪紹茂績
龔黃德最優驥足原難羈百里鴻名端合炳千秋他時旌節
隄封廣猶記爰山宦跡留

饒宗孟 梅衫

城復于隍語義經卦義呈數間開殿宇三尺仰神明鬼膽眞
能破陰天入望驚馨香通治理消厲召和平

敬神

石室傳文黨絃歌起武城萬言師賈誼六藝問康成望汝鵬

士

程遠慙余鶴俸清不須銘陋室長吏已經營

育士

衰年筋力盡煢獨一身單骨瘦雙肩聳腸枯百慮攢西周王

者養東魯聖人安起廢添升斗長洄涸鮒瀾

養老

名言徵老氏林總聖人孩况此呱呱泣能無惻惻哀漏天憑

石補寒谷待春迴不負歌慈母羣歸保抱來

慈幼

歷盡冰霜苦頽垣劇可傷喜來新令尹重煥舊祠堂克荷綱

常重能爭日月光兩家欽姓氏瞻主拜蒸嘗

全貞

不作莊生達恩深到九泉青邱護松檟白骨遠烏鳶霜露情

何極賢愚魄共連使君多善政此澤足千年

廣仁

救荒籌善策棘手濟時艱
貶食先殷富揮金起病孱
聚防瘧作祟散慮吏爲姦
百里權輕重無私痛癢關

恤貧

除暴安間里兼防賊
暗挑養鷹追狡兔拔莠護良苗
月夜風頻警花村犬不囂
器欵隨手正裘帶仰丰標

安良

同里 丁紹德 稼軒

一自瓊枝折桂林便將治績
媿鳴琴興除不愧親民職
寬猛無非濟世心鶴俸屢捐冰
自飲鼠牙頓息鏡高臨
卽當出領嘉禾郡竹馬兒童戴德深

由來學術裕經綸會助朱衣相
士真集錦文章先入妙聯珠

士

詩句更翻新玉壺朗比胸中鑑
珊瑚網搜皆海內珍誰似公門桃李茂
一編治譜合傳薪

未曾捧檄布嘉猷先蒞軍門借箸籌
練卒志期收北固防邊功在障東甌
餉能飽士兵堪用律重殲渠獄不留
兩地剡章齊入告煌煌

褒語下林大不羈絲絳綬手五綵帶
吟丰豐

螭頭

天台宦轍偶徜徉琴鶴追隨太守裝
惠政昔曾推卓魯循聲今又頌龔黃
遠傳棠舍謠東海近喜萱花茂北堂
慚愧臨民

無識學何能媿媿示周行

上元 葉庭鑾 金門

昔年讀君尚書篇，卜君政績媿前賢。往年過君棠蔭處，口碑輿頌確有據。頌君敬神不瀆神，爲民祈福心精純。謂予不信，瞻西谷棟宇深邃，德爲鄰頌。君造士兼養士，藝必宗經式。以已謂予不信，書院新國華，廣藉敷文始。老有所終幼有長，表揚節孝肅將享。埋齒掩骼敷宏仁，經理有方關痛痒。丙歲荒旱人呼庚，鄰氛風鶴兼相驚。接濟災黎陰巨猾，至今井里樂安平。我聞德政思遙質，早知治術原儒術。古人考績猶三年。

七

大澤那從再稭溢，路轉嘉禾接笑言。有功不伐泯囂喧，舉酒但教傾叔子。買絲直令繡平原，殷勤餞臚仍加厚。逢人說項孚盈缶，一卷秋闈疊韻詩。贈言臨別珍瓊玖，鷓鴣巢林苦無枝。途窮依舊來京師，值君入 覲承 天寵。惠文解服

拜 丹墀往來晉，接同前夕手授新編傳。擘畫印證前聞信，有徵從知才大無煩劇。能吏何嘗乏治功，豈如良吏治由中。斯之旣信優于仕，誰道經生變不通。建節勳名君家裕，君今指日應追步。安得重來兩浙遊，揮毫紀實名兼附。

桐鄉 蕭儀斌 琳村

幽明本無殊陰陽各有職吾侯宰吾鄉明神亦馨德廟貌環
祝融重興宜亟亟捐俸首倡之衆人助頗力落成及三年巍
峨增舊式至誠格蒼蒼錫福永無極

敬神

公爲百里侯士乃四民首性道本相通公乃視爲友樂育不
告疲愛才亦孔厚膏火助寒儒爲置田百畝獎飾在臨岐頌
者碑在口

育士

垂老苦無依此腹嗟負負公也心惻然如溺將援手有院已
蒿萊名實兼何有捐金重修之俾各餬其口撫恤振頽廢惟
公倡其首倡首惠無疆春風滿窗牖

養老

十四

孩也本無知棄之如途人育嬰賴有堂收養全其身收少棄
仍多哀哉此編氓吾侯盡于心更出篋中銀置田以贍養慈
幼以廣仁立案計期久名堂義何新賢者民父母千秋仰令
名

慈幼

婦以夫爲天夫天將何恃德以節爲大守節斯爲美朝廷
重節孝里門且專祀治東祠巍然雍正年經始迄今逾
百載祠宇亦形圯賢侯重興之倡議拓其址鳩工而庀材輪
奐倏如此貞魂得憑依春秋薦芳止嘉惠及幽泉豈惟歌樂

只全

本無殊陰陽各有職吾侯宰吾鄉明神亦馨德廟貌環

白首臥荒原掩埋誰計此邑有賢令尹恤生更恤死命將遺骸收毋令飽犬豕出錢壹伯萬置畝使經理經理附育嬰善哉侯之旨我

朝重仁政我侯能體是爲誦謝公詩惠心奮千祀

廣仁

時維丙辰夏炎熇煽烈日不雨三月餘收成百無一 朝廷

憂災黎大吏籌撫卹我侯出編戶僕僕遑敢逸首領囊中金勸輸諭盡力民忍須臾死不久所皆得緬彼富鄭公斯民均

食德

恤貧

安良宰之職戢暴宰之力吾侯宰桐鄉民皆歌公德公德良

五

無涯指難屈一一時當風鶴警奸民肆奸術械鬪官不禁攘奪亦不詰巨案積如山長吟而抱膝侯也深警之搜剔窮鬼域懸賞出千金此輩務須獲渠魁果歸案神明頌何極

安良

嵇又駿 春原

獨矢瞻韓願難爲訪戴行青山羈魯國明月夢江城吳越方憂餉金衢正苦兵何時花下酒一敘十年情

善政記桐鄉開編吐異香謀時大經濟翼世古文章動我瘡痍感見君忠愛腸還期沛霖雨霑灑遍遐方

聞說春風旆長安道上馳驛花紅送客門柳碧垂絲披拂凌

雲筆廣吟湛露詩好將民社苦奏與

聖明知

文字憐新契江湖感暮齡孤燈頭欲白浮世眼誰青泉石詎
甘隱箏琶疇耐聽願言求治本與子溯遺經

同里

吳世鈞 子和

吾鄉戴氏五經笥讀書觀國生平志侍中原非百里才割雞
偶爾牛刀試濟時德政井有條揮金倡義心胸超欽禮神靈
廟巍煥培養士類田肥饒恩波下逮遍老幼饑年賑恤全民
凋宰官德澤抑何廣仁慈更復及泉壤建祠設塚感幽冥除
莠安良靖擾攘百廢具舉弊亦除士民歌頌大吏獎大才小
用見一斑措之天下如示掌官階上達今三遷行看鵬翮騰
九天况復同官傳轍軾一時兩美真璧聯君以通經而致用
古之良吏奚愧焉冰臺奎閣稱茲職蜺旌龍節期他年四方
但祝憲臣至福星一道推君賢

同里

吳永謙 又謙

事非經聞見曷由遽表揚偕君浙水遊三載易星霜惟能知
之確是以言之詳憶昔樂城陷賊勢甚猖狂撫綏賴君力烽
火息邊疆凱旋策功勳頭銜列薦章是秋逢大比分校入文
場杞梓搜巖穴桃李羅門墻秋闈方撤棘捧檄蒞桐鄉飛鳧

天際降竹騎迎道旁下車未兩月政令肅紀綱案牘清訟庭
漕艘輸京倉來歲天苦旱無雨插新秧河流車斷絕道渴走
倉皇炎炎烈日中冒暑叩彼蒼幸賴神祇佑雲霓慰民望災
稔雖見告禾稼未全傷無者受撫卹有者効輸將酌盈而劑
虛多寡費評量荒政既秩然治具次第張邑廟遭回祿鳩工
建棟梁祠宇廢節孝崇祀達馨香白首窮無告引養壽而康
黃口噉待哺怙恃慈而祥保衛安間里樂育宏膠庠仁恩及
朽骨毅力鋤梗強比戶聞絃誦四野勸農桑洪纖靡不舉士
庶益難忘回思去縣日父老餞酒漿鄧侯挽不留遮道競牽
裳撫軍聞乃績考最稱賢良奏牘達 丹除晉秩開黃堂願
推仁民心政治媲美黃豈惟爰山側遺愛留甘棠

同里 陳桂傳 小泉

丙辰之歲九月秋我爲訪戴桐溪遊驅車入境二三里桑麻
徧野民人稠偶遇父老進詢問長官宰此賢與不父老齊聲
頌莫輟德化所被咸歌謳善政一一不勝述敬神育士爲其
尤矜全老幼恤孤寡澤及枯骨恩膏周六月天旱久不雨長
官泣禱心誠求哀鴻噉嗷嗷苦無告捐貲備穀相賑燭烽烟未
靖寇氛逼訓練士卒戈矛修捍患禦災弗辭瘁軫民之癯瘠

民憂我聞斯語實心喜吏治如此誰能侔廉明不數遷密卓
正直欲駕江陵劉憶昔少年同學時君姿角犖超羣儔通經
名譽滿江左讀書稽古勤旁搜別開生面闡奇旨詩才賦筆
皆清邁芹宮勉作後塵步桂闕獨讓先鞭抽君騎五馬往兩
浙我餐首菴增顏羞至今相別重相憶讀君記畧心夷滄天
生驥足自當展豈徒製錦稱才優封疆大任會有日惟願

昇平黼黻裏

皇猷

同里 陳桂琛 秋巖

文章生面獨能開治術都由學術來不愧通經延廣譽果然

六

製錦仗奇才棠陰化被神人悅鞠育恩從老幼推更喜崇儒
敷 聖教滿城桃李荷栽培

使君憂樂與民同花放河陽一縣紅忍使素心悲夜月應無
白骨泣秋風籌防爲警天邊鶴勸張尤哀澤畔鴻聞道至今
爰嶺下口碑猶自頌文翁

海甯

錢保塘

撫字勤勞政績隆振頽起廢仰神公蘋蘩薦獻修明祀桃李
栽培仗化工澤溥眉黎憐絳老恩深翼卵到黃童口碑處處
無他語一片丹忱兩袖風

儒修吏治百城宗異政何須說魯恭漆室鴛機旌苦節荒郊
馬蠶肅崇封庭陳金帶謀民食隊整銀刀息驛烽底事桐溪
三疊水牽船莫挽使君蹤

擊柝相聞等隸氓早從鄰境稔循聲

海昌距桐鄉甚邇

袴襦充室宵

無禁桴鼓凝埃晝不鳴一鶴隨官趙參政四蠶奏瑞尹思貞
西京朱邑尋常事肯使前賢獨擅名

姚景崇

景仰桐溪德政碑名儒名吏信如斯寅清夙夜心常勵子惠
黎元教並施八則宏敷經術擅三年最報 聖人知願他

九

當世司民者同奉平原買繡絲

催科不重重民生百里絃歌播治聲仁政舉施分鉅細惠心
廣布本廉清鼠牙久已消辭訟豈繡何妨淡利名我亦一行
會作吏功兼教養媿無成

雒水

黃炳垣

石琴

從來良吏政必美仁心仁聞甦赤子欣當澗鄰戴使君慈惠
之師來蒞止桐鄉何幸得賢侯敷政優優臻上理勞心撫字
清慎勤衆善勿使遺銖累繼絕續乏廢墜修微顯闡幽延廟
祀老老幼幼安懷之掩骼埋胔澤並被哀鴻嗷嗷俾衽席除

莠拔薤保鄉里菁莪作人鳴雅化助之膏火以繼晷井井奉
行不少懈勒爲成書明其旨聞君輿論頌君賢口碑載道誦
樂只卽茲蕞爾擴而充博施濟衆從此始指日典郡鎮雄區
爲民請命應如是會當霖雨及蒼生小信小惠安足擬

雒水 黃炳城 錦江

桐鄉朱使君馨香奉一邑仁政入人深至今民感戢觥觥戴
大令望古意遙集本非百里才尤急萬人急有舉莫敢廢懇
懇勤修葺崇祀恤災沴全貞示表率老幼恩必周齒豁澤並
及以教遂民生多士訓汲汲哀鴻澤中鳴軫恤慶乃粒有備
而無患五伍兼十什如此諸惠政縝密持以栗殷殷筆之書
矜式示抱一敬誦子輿言是乃爲仁術

三

吳夢齡

衙鼓威宣法令森伊誰復解化鳴琴京江才子人爭羨桐水
神君我倍欽自昔拊循流黍雨而今茂懋愛棠陰信知吏治
由儒術八政敷陳學力深

徐 鏞

丹衷不愧帝天臨清慎勤看三字箴宦跡自能繩祖武勲名
洵足重儒林風清草野嚴除暴雲覆茅檐普作霖何日成連

重邂逅移情 學伯牙琴

同里 張維翰 屏周

政事淵源本讀書通經致用乃游餘賢勞兩載飛鳧鳥爵秩
三遷耀鹿車志切東山難遽遂 恩來北闕會真除大才
大用終無負豈獨烹鮮治邑如

海甯 朱棣彝 秉之

官民之間有真意不有良吏何由知堂皇坐擁自矜重忍以
黎庶供鞭笞亦緊繁劇撫百里民氣易感非難治農桑教養
古所重慎哉此事誰攸司惟君不負巍科選江都對策醇無

三

疵 明廷慎簡縮墨綬桐鄉出宰咨 丹墀知君讀書通讀
律力提黔首追皇義韓歐古來稱制作但以餘力爲文詞後
先輝映無軒輊任事不避多艱巖詩書潤飾不在貌民意本
厚期無欺三載報績登上考斧柯藉手惟其宜召父杜母媿
羊采撫字只在公滅私今君五馬卽超遷臨歧咸切攀轅思
愧余單寒未樹立鳴琴餘暇恒追隨誦芬勗余承先澤勵志
期余奮清時君來羣叨廣厦庇君去誰登春臺熙祝君但詠
臺萊詩福星長照江之湄

胡慶祺

仁暴原從敬肆分非緣默相乞靈勤敢誇他耀惟荒度卻慄

前愆不戢焚

前廟燬於火

朱邑是宜尸祝報鄧攸應惜統如聞一

時羅拜衣冠肅並熱心香棟宇薰

重建城隍廟

天生杞梓屬良材爲棟爲梁視所培漂梗何從施雨露有基

始足長根茲便便腹養詩書氣落落胸含經濟才他日萬鍾

歡鼎食莫忘升斗此胚胎

增置分水書院田產

養老先爲熒獨哀經營廣厦乂安纔負暄南牖理黃髮捫蝨

東榮掃綠苔風雨門無關嗒喪晨昏食不乞嗟來問他溫飽

伊誰力定道官於何有哉

修養濟院

三

民胞物與總相關忍使嬰孩棄草菅切切倒紉三載內呱呱

啼乳一堂間好還知卜椒繁衍大德能教天破慳縱使鯁生

深贊頌豹斑仍就管中窺

增置育嬰堂田產

闡揚幽隱挽瀾心邑乘名傳自古今不見節貞松竹操須知

德重鬼神欽中庭機杼燈光暗野渡蚊蟲月色沈祠祀大書

揚寵錫雛烏幾處噪棠陰

重修節孝祠

陰蟲過半嘖枯觝掩袂難遲漏澤施蔓草荒郊烟漠漠白楊

寒食雨絲絲代營幽壤得歸所想見黃泉啣感時簿錄不無

才鬼在啾啾聽唱鮑家詩

掩埋枯骨

軍興歲歉度支偏康濟斯民見宰賢萬口喁喁雜待哺一噓
潑潑鮒投淵曼卿贈麥非交故汲黯開倉恐詔專厚地高天
生我德流傳史冊古無前

接濟
災黎

赤白丸探惡少家狐鳴叢箐月沈沙置屏解拔麗參建繞郭
看栽潘岳花處處譙樓朝霧迥亭亭斥堠夕陽斜春秋社散
村龍靜白叟黃童笑語譁

保衛
鄉里

同里
尤 淦

國家設官重守吏興利除弊任獨寄禍吾民兮福吾民厯厯
視吾之政治憶昔甘棠遺愛留理煩治劇素稱優况今民生

三

日凋敝撫馭尤期得所求不有才猷裕諸已妄希一旦權治
理每當祁寒暑雨時怨咨已在下車始桐溪有幸福星來經
術宏爲吏治才撫字盡心復盡力衆人洩洩登春臺讀君記
畧見君志想見當年經畫至召父廉明杜母慈兼斯二者成
政治我嗟世風涼太息民膏入宦囊我爲羣黎懼由來宦轍
皆民蠹侵漁肆虐無已時遑計民艱慨助資得君善政一一
舉傾囊不惜一何慈仁恩廣被及鰥寡白傅之裘杜陵屨得
以安枕易倒懸歡聲繼起盈四野世間缺陷實堪矜况是斯
民父母稱安得人人有惠政盡使天下寒士衽席之咸登

湖山生色五雲飛白傅襟懷玉局徽日暖桐溪先沛澤星臨
棘院有餘輝儒臣亦與戎行選吏治難將經術違不少故鄉
人仕浙算來官是孝廉稀

嘉興 王福祥 春漁

使君匡濟劇堪師經術原從治術施存沒民生沾德澤奐輪
里社妥神祇培才聿廣菁莪化勵俗常懷節義思咫尺桐溪
棠蔭遍拈毫爲譜召南詩

桐鄉 李日熾 鶴杉

十年叩別月重圓千里霓旌望肅然公有大名垂蓋世我慚

音

小草證前緣官聲但聽輿人誦政術爭看治譜詮自古通經
原致用獨勞從事仰名賢

東甌于役記麾旌曾見前驅隊仗明一鼓殲渠先獲醜萬夫
効力慶重生斑春有腳陽春轉愛日心同噉日盟知道至誠
神默佑頭銜新擢冠羣英

江北江南捧檄忙簡書期迫促戎裝運籌大府資奇畧講武
威聲壓看場薦牘早登標爵秩 國恩思報藉文章行旌到
處併矇遠不獨千間廣厦張

政績及山迥自殊廉能直與道相符楊劉詞賦當年重卓魯

聲名此日俱課士焚膏都潤筆恤農擲米悉成珠虛堂鏡朗
人人照老馬由來自識塗

示警吳回廟已灰經營不日庶民來反風別顯神旗力滅火
能全大厦材電掃訟無留案牘兩甘祁有濟時才至今父老
思遺愛猶祝庚桑去復迴

保赤難忘玉雪姿恩施無告不矜奇探丸俗化椎埋習掩骼
情傷骨肉離講舍置田文教振貞珉表節古風持要知去後
思何武成法猶堪舉世資

奇文磬微與鈴圓孔壁遺經集自然四岳興雲天廣大千花

圭

成塔佛因緣詞聯渾噩咸歸雅賦到疏通不待詮注禮名家
書更習夏侯難得替人賢

詩成帖體別揚旌學易田何卦義明獨步競推江左彥傳經
又起濟南生鼓琴豪族非同調奪席騷壇舊主盟今日浙東
衣被遍羔裘風度想三英

徵車連辟馬蹄忙花縣封符早傲裝挾冊鎖闈留夾袋隨身
竿木又逢場蠶聲筆下無雙譽鹿野笙吹第一章取士盡歸
冰鑑好珊瑚明處網羅張

錦坊花樣逐年殊模索朱衣暗裏符校藝萬千虹氣繞升庭

二八鳳鳴俱程文縝密篇篇玉疊韻勻圓字字珠看到衆仙
齊嘯樹諸生引領出泥塗

重逢安國又燃灰琴鶴翩翩夾道來嚴瀨高風同勵志豫章
嘉樹盡成材勳猷世重三旌望著迹人欽八斗才昔日部民
今屬吏感恩深處首頻迴

使君瀟灑出塵姿治郡何煩術尚奇問俗看花歸緩緩行田
彼黍感離離乾坤劫重經磨鍊桑海瀾迴仗主持遙指幃帷
雲裏住竊窺美富得師資

兄肇辰

美

太上立功德次惟立言久賢哉汝澗鄰風志三不朽一命拜
詔書桐溪綰墨綬下車政令新兢兢慎官守寸心鑒神明實
澤被稚耆公門植桃李草野去秕莠全貞興節孝賑荒慨升
斗枯骼尙蒙澤生者况親受囊解千萬緡田闢數百畝祇盡
區區心豈曰頌父母憶與汝別時風雨一揮手吏治曷諄諄
所學期不負我羈戎馬間僕僕勞奔走汝官淪水西道路碑
在口歷亭喜相見一編珍瓊玖惟此功德言堪以示我後時
局方艱難勉旃報高厚

姪焯

歷朝封典載煌煌赫濯威靈鎮此方四境人民叨庇佑千秋
俎豆重烝嘗劫灰原有神明質焦土偏嗟棟宇荒廟貌重新
隆祀事憑依在德信無疆

重建城隍廟

桐溪清折毓英賢培養無資少沃田爲惜鴻才空爨冷卻將
鶴俸解囊捐仁風和霽扶文運化雨沾濡被講筵致用通經
留至訓菁莪教育樂歌絃

置田分水書院

王政由來重老更飢寒時恐促餘生縱無酒醴尊崇意敢廢
衣衾撫恤情炎夏乘涼眠北牖隆冬負曝向南榮請看扶杖

觀風處涕泣成行播頌聲

重修養濟院

七

不幸孩提出瘠民道旁捐棄徧荆榛育嬰自古傳仁政懷少
於今志聖人哺乳有方天札免慈祥多術性天淳若逢竹馬
爭迎日應識當年作宰身

置田育嬰堂

節孝洵爲百行先天恩褒獎志書傳可堪荒草埋頽宇無那
春風泣杜鵑輪奐一新靈可鑒馨香昭告禮尤虔貞魂烈魄
應何負皎皎光爭日月延

重修節孝祠

生有所依死有終奈將骸骨委沙叢烏鳶嘍啄深林外獾貉
傷殘絕壑中善政澤枯施潤雨仁人隕涕感西風捐田不惜
籌經費義塚纍纍徧郭東

掩埋枯骨

亢旱原非天不仁劫災偏值此鄉民救荒忍閉秦人糶市義
先推魯肅困里判邇遐期弗爽戶分大小派俱勻蒼黎盡解
倒懸厄鼓腹咸謳吏治循

接濟
災黎

半壁東南擾甲兵居民時覺不聊生曾籌團練安桑梓又衛
閭閻去棘荆木柝聲中開夜戶桐花香裏看春耕扶良鋤惡
威兼愛豈獨臣心似水清

保衛
鄉里

姪
燮元

桐溪一水滌爰山兩峯矗昔者朱仲卿理治振風俗循聲誰
可追惟我澗鄰叔叔非百里才小試作民牧兢兢清慎勤听
夕勞案牘撫字兼催科令出政行速上不負

天

國家下不負所學厥要有八則我願詳其目祠主祀城隍有
司禱必宿無端委劫灰幽明有同辱叔乃戚然傷鳩工吉日
卜棟宇煥一新至誠昭於穆惟德斯馮依一瓣心香祝書院
培人材義重庠與塾歲久田寢蕪毋乃失教育叔乃怒然憂
月試親教習講堂啟敷文造士歌棫樸老者無所依哀哀此
癯獨幼者無所長父兄弗字鞠叔乃安懷之解推衣食足有
藥疾相扶有田命始續稚耆欣然怡如蒙再生福節孝百行
先祠宇竟傾撲齒棄道路生死同骨肉叔乃矜全之政美

性益篤聞幽慰貞魂施惠被枯鬻九原若有知感恩必匍匐
昔者丙辰夏天災流行酷禾麥繼書無老弱轉溝瀆叔乃救
以賑輸金且餼粟棠未發齊王困先指魯肅災黎恬然安舍
哺更鼓腹飢饉偶相因兵戎况久屬稂莠若不除害將及嘉
穀叔乃威濟愛土豪悉穀餼坐飯挽頽風惡魁馴以伏凡茲
數大端從容無煩促四方零雨流一片慈雲覆民愛若父母
衆瞻若喬嶽去兮繫民思治行誠超卓我叔將典郡 天
恩正優渥拭目觀化成願讀名臣錄

完

